

Powšitkowne WOZJEWJENJA

njedźelu, 30. septembra 2012

Nyšpor z požohnowanjom konjacych zapřahow

Towarstwo Cyrila a Metoda z.t., sekcija wěda a skutk, přeprašuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže njedźelu, 30.septembra, w 14 hodź. w Chrósćicach na łuce při Hatkach (za starownju). Na nyšporje požohnuja so konjace zapřahi. Wotrowski cyrkwinski chór, Chróšćanska pěstowarnja a wosadni dujerjo jón wobrubja. Po nyšporje přewjedu so čaporowe wiki. Wunošk wužije so za rjedzenje piščelow Chróšćanskeje cyrkwy.

Różowcowe pobožnosće

W Róžeńčanskej hnadownej cyrkwi modli so w měsacu oktobru njedźelu w 17.00 hodź. a štwórtk w 19.00 hodź. różowc. Wěriwi su přeprašeni, so na tym wobdželeć.

Dopomnić so na přichod – seminar ke koncilej

Składnostnje 50lětnje róčnicy zahajenja Druheho Vatikanskeho koncila přewjedže so w Smochčanskim Domje biskopa Bena wot pjatka do njedźele, 5. do 7. oktobra, schadźowanje pod temu „Dopomnić so na přichod“. Zarjadowarjo stej nimo tamnišeho zarjadnišća Drježdžansko-Mišnjanske biskopstwo a Katolska akademija. Hłowny referent budže profesor dr. Ralf Miggelbrink z Essena. Zajimcy měli so w Domje biskopa Bena přizjewić, telefonowe čisło (03 59 35) 220. Woni móža so tež jenož na jednotliwych přednoškach wobdželić. Wjace informacijow k tomu podadza so w interviewje na třećej stronje aktualneho wudaća Katolskeho Posoła. W tym zwisku je tež přichodny poki w wažny.

Słowjanske myty a jich rjanosć

Kak so rytmička tradicionalnych słowjanskich ludowych rejow z lochkej improvizaciju zjednočić hodži, pokaza Clemens Pöttsch ze swojim kwartetom SLAVICON sobotu, 6. oktobra, w 19.30 hodź. w Smochčanskim Domje biskopa Bena. Zastupne lisćiki móža sej zajimcy wječor kupić. Za wobdželnikow seminara k róčnicy Druheho Vatikanskeho koncila je zastup darmotny.

Kubłanski dzeń za 3. a 4. lětnik

Sobotu, 6. oktobra, wot 9 do 15 hodź. su džěci 3. a 4. lětnika na zhromadny dzeń do Don Boskoweho domu we Worklecach přeprašene. Zajimcy njech so prošu hač do wutory, 2. oktobra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdželnika přinošk, kotryž wučinja tři eura.

Jězba do Rudnych hór za 5. a 6. lětnik

Na jězbu do Rudnych hór přeprašuje Dekanatne dušepastyrstwo džěci 5. a 6. lětnika wot pónđzele do štwórtka, 22. do 25. oktobra. Za jězbu zběra so wot kóždeho wobdželnika přinošk we wysokosći 60 eura. Zajimcy njech so prošu hač do pjatka, 5. oktobra, pod telefonowym čisłom (03 57 96) 8 87 07 přizjewja.

Duchowna hudźba a Chagallowe wobrazy

Budyski Katolski tachantski chór zanjese njedźelu, 7. oktobra, we 18.00 w tachantskej cyrkwi swjateho Pětra z orchestrom a solistami Josepha Haydnowu němsku twórbu „Die Schöpfung“. We wołarnišću pokazaja so k tomu wobrazy molerja Marca Chagalla. Zastup je darmotny.

Zetkanje samostejacych

Samostejacy ze serbskich wosadow kaž tež dalši zajimcy su sobotu, 20. oktobra, w 14 hodź. do Domu biskopa Bena w Smochćicach přeprašeni. Zajimcy njech so hač do štwórtka, 11. oktobra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Serbskorěčne eksercicije

Maće hišće jedyn dzeń dowola? Mam namjet, kak móžeće jón wužić za wočerstwjenje a připódlu so nasrěbać duchownych mocow. W Drježdžanskim eksercicijnym domje Wysoke duby wotměja so wot štwórtka, 11. oktobra, wječora hač do njedžele, 14. oktobra, připołdnja eksercicije za serbskich wěriwych. Jezuitski pater Petrus Köst kurs přewjedže. Modlitwy a kěrlušy su serbske, přednoški něm-ske. Nimo toho su tam přijomne stwy, dobra kuchnja a krasna wokolina za wuchodžowanje. Zajimcy njech so telefonisce přizjewja pod čislom (03 59 35) 2 04 25. *T. Kubašec*

Joachim Jauer přednošuje znowa we Łužicy

Wo podžělu křesćanow na zwrěšćenju komunizma budže něhdyši korespondent ZDF w NDR a wuchodnych krajach Joachim Jauer pjatk, 12. oktobra, we Wojerecach přednošować. Zarjadowanje na katolskej farje, Karl-Liebknechtowa 17, zahaji so w 20 hodź. K samsnej temje přednošowaše Joachim Jauer runje před lětom w Chrósćicach na farje.

Wustajeńca wo Žitawskich póstnych rubach w Hejnicach

Přichodna stacija pućowanskeje wustajeńcy po Europje k Žitawskim póstnym rubam je w čěskich Hejnicach. Hač do njedžele, 4. nowembra, móža sej zajimcy pokazku pod temu „Zetkanja, kotrež hnuja“ w Mjezynarodnym centrumje za duchowne wobnowjenje wobhladać. Na 14 taflach su atraktywne fota a teksty wo Žitawskich póstnych rubach a kulturnej čarje VIA SACRA widžeć. Kopija małego póstneho ruba pokaza so w tym času w putniskej cyrkwi Marije wopytanja hnydom pódlu kubłanskeho centruma.